

DISCOVRS

PRODIGIEVX ET

espouuentable, de trois Espaignols
& vne Espagnolle, Magiciens & Sor-
ciers, qui se faisoient porter par les dia-
bles, de ville en ville, avec leurs decla-
rations d'auoir fait mourir plusieurs
personnes & bestail par leurs forcil-
leges, & aussi d'auoir fait plusieurs de-
gats aux biens de la terre.

*Ensemble l'Arrest prononcé contre eux par
la Cour de Parlement de Bourdeaux, le
Samedy 10. iour de Mars, 1610.*



A PARIS,

ſouste la coppie imprimee à
Bourdeaux.

COCK

THE

LIBRARY

OF

THE

UNIVERSITY

OF

OXFORD

18

18

18

18

18

18

18

18

18

18

18

18



DISCOVRS PRODI-

GIEVX ET ESPOVVENTABLE, de trois Espagnols & vne Espagnolle, Magiciens & Sorciers, qui se faisoient porter par les diables, de ville en ville: avec leurs declarations d'auoir fait mourir plusieurs personnes & bestail par leurs forcilleges, & aussi d'auoir fait plusieurs degats aux biens de la terre.

Ensemble l'Arrest prononcé contre eux, par la Cour de Parlement de Bourdeaux, le Samedi dixiesme Mars, 1610.



L'Homme des aussi tost qu'il fut fabriquer par l'Eternel ouurier diuin, fut des aussi tost surpris par l'ennemy de nature humaine, du depuis Satan n'a cessé par toutes subtiletez & moyen de pouuoir sucomber & attirer le gen-

re humain en ces lacs. Dès incontinent que ce grand Capitaine Moïse, eut en main la Commission pour retirer les Israélites d'entre les mains de ce peruers & inique Roy d'Egypte Pharaon, il luy declare l'ambassade celeste, il le somme à relacher le peuple de Dieu : Et pour preuuer son dire, il iette sa verge en bas, qui tout aussi tost prend vie, & se metamorphose en Serpent furieux. Les Magiciens veulent faire de mesme: mais pour neant : Car celle qui est produite par la toute puissance diuine, engloutit & dissipe ceux qui sont prouenus de l'art Diabolique.

De mesme fut fait des raynes, sauterelles, & autres animaux prouenus d'enchanterie & sortilleges: tellement que l'homme est bien aueuglé, & dehors de toutes considerations, qui s'adonne à ces malheureuses & de-

testables œuvres de Magie, quittant son Dieu pour s'uyre le diable, laissant la verité pour le mensonge, se precipiter du port de grace & salut, dans les abismes & gouffre des Enfers. Les lecteurs se contenteront de ce preambule, à celle fin de ne les ennuyer pour estre prolix, se contentant s'il leur plaist au recit de ce discours tres-veritable prodigieux, & autant admirable que l'ong temps aye esté mis en lumiere.

Trois Espagnols Magiciens accompagnés d'une femme Espagnolle, aussi forcier & Magicienne, se sont promenez par l'Italie, Piedmōt Prouence, Franche-Comté, Flandres, & ont par plusieurs fois trauersé toute la France. Et tout aussi tost qu'ils auoient receu quelque desplaisir de quelques vns, en quelque vilotte ou bourgade, ils ne man-

quoyent par le moyen de leurs maudits & pernicioeux charmes & sortilleges, de faire secher les bleds, & de mesme aux vignes, & pour le regard du bestail, il l'âguissoit quelque trois sepmaines, puis demeueroit mort, tellement qu'une partie du Piedmont a senty que c'estoit de leurs maudites façons de faire.

Tout aussi tost qu'ils auoient fait iouer leurs charmes en quelques lieux, par leurs arts pernicioeux ils se faisoient porter par les diables dans les nuees, de ville en ville, & quelquefois faisoient cent ou six vingts lieues le iour: mais comme la iustice diuine ne veut longuement souffrir en estre les malfaiteurs, Dieu permit qu'un Curé nomme messire Benoist la Faye natif d'Ambuy pres de Bourdeaux, estant allé à Dole, pour poursuiure un du lieu, auquel il auoit

presté vne somme notable, & pour
 autant qu'il falloit que ledit messire
 Benoist s'e retournasse à Bourdeaux
 pour faire enqueste de ce prest, at-
 tēdu que sa partie nioit, il ne fut pas
 loin d'une harquebusade de Dole,
 qu'il trouua ces Espagnols & leur
 suiuaute, lesquels se mirent en com-
 pagnie avec luy, & luy demanderēt
 ou il alloit, apres le leur auoir decla-
 ré & conté vne partie de son ennuy,
 & se faschant de la longueur du che-
 min qu'il auoit à faire, tāt d'aller que
 de reuenir, & mesme que les Iuges
 ne luy auoient baillé qu'un mois de
 delay, & passé iceluy, il seroit forclos
 vn de ces Espagnols nommé Diego
 Castalin luy dit ces mots, ne vous
 desconfortez nullement, il est pres
 de midy: mais ie veux que nous al-
 lions coucher à Bourdeaux, le Curé
 pensoit qu'il le disse par risée, veu

qu'il y auoit pres de cēt lieues, neãt-
moins ce, apres estre assis tous en-
semble, ils se mirent à sommeiller, au
reueil du Curé, enuiron les six heu-
res du soir, il se trouue aux portes de
Bordeaux avec ces Espagnols.

Estant enquis de ses amis qu'il auoit
fait, il monstre ses actes faites du mes-
me iour dans Dole, nul ne peut croi-
re ce fait, il assure au contraire, vn
Conseiller de Bordeaux en fust ad-
uertý, il voulut sçauoir comment ce-
la s'estoit passé, il declare les trois Ef-
pagnols & la femme qu'ils menoiēt,
on fouille leurs bagages, ou se trou-
ue plusieurs liures, caracteres, billets
cires, cousteaux, parchemins, & au-
tres denrees seruant à magie, ils sont
examinez, ils confessent le tout, &
plus que l'on ne leur demandoit, di-
fant entre autres, d'auoir fait par
leurs malheureuses œuures, perir les
fruits

fruits de la terre, aux endroits où il leur plaisoit, d'auoir fait mourir plusieurs personnes & bestail, & estoient resolutz sans ceste descouuerte de faire plusieurs maux du costé de Bourdeaux, la Cour leur fit leur procez extraordinaire, qui leur fut prononcé le premier Mars, mil six cens dix, en la maniere que s'ensuit.

*Extrait des Registres de la Cour
de Parlement.*

VE v par la Cour les chambres assemblees, le procez Criminel & extraordinaire par les Conseillers à ce deputez, à la Requête du Sieur Procureur general du Roy en ce qui resulte à l'encontre de Diego Castalin, natif de Boquo en Espagne, & de Francesco Ferdillo natif de Lina en Castille, & de Vincentio Torrados natif de Madril, & de encores

Catalina Fiosela, natifue de Colona-
 fos, les conclusions du sieur Procureur
 general du Roy : ouys & interrogez
 par ladite Cour, lesdits accusez sur
 les enchantemens, magies, sortileges,
 & autres œuures diaboliques, & plu-
 sieurs autres crimes à eux imposez,
 tout consideré dit a esté, que ladite
 Cour a déclaré & declare, lesdits
 Diego Castalin, Francesco Ferdillo,
 & Vincentio Torrados, & encore
 Catalina Fiosella, deuëment attaints
 & conuaincus des crimes de magies,
 sortileges, & autres pernicieuses
 œuures malheureuses & diaboliques.
 Et pour reparation desquels crimes,
 les a ladite Cour condamné & con-
 damne à estre prins mené par l'ex-
 ecuteur de la haute iustice, en la place
 du marché au porc, & estre cõduit
 sur vn buscher pour illec estre brus-
 lez tous vifs, & leurs

corps estre mis en cendres, ensemble leurs liures, caracteres, cousteaux parchemins, billets, & autres seruant à magie. Donné à Bourdeaux en Parlement, le 1. Mars 1610.

Estant sur le buscher ils declarent plusieurs malheureuses œuures diaboliques qu'ils exerçoient par art de Magie, & dirent qu'ils auoient appris ledit art à Toledos en Espagne, ou ordinairement s'en faisoit escole publique, & que par le moyen de ceste ^{tan} ~~na~~ antique science, ils auoiēt puissance de faire perir plusieurs personnes, bestail & porter beaucoup de dommages aux fruiçts de la terre, aussi ils confesserent d'auoir voulu entrer dans la Rochelle; ce qui ne leur fut permis & n'y alloient à autre fin, sinon pour faire par leur diabolique science perir plusieurs personnes: disant que quand ils vou-

loyent avec certaines poudres qu'ils brusloient ils infectoient l'aër, tellement que plusieurs personnes atteints de ceste mauuaise & pernicieuse odeur mouroient subitemēt.

L'espagnolle qui les suyuoit nommee Catalina Fiosela, dit & confessa vne infinité de meschancetez par elle exercez entre autres par ses malheureux sortilleges elle auoit fait auorter vne infinité de femmes enceintes, & d'auoir infecté avec certaines poisons plusieurs fontaines, puits, & ruisseaux, & aussi d'auoir fait mourir plusieurs bestails & d'auoir fait par ses charmes tumbé pierres, & gresles sur les biens & fruits de la terre: apres sa confession elle fut incitée a crier mercy à Dieu, ce que iamais ne voulut faire: ainsi fut la fin de ces maudits Magiciens, lesquels estāt possédez du diable men-

rent sans aucune contrition de leurs fautes & pechez.

Voila qui doit seruir d'exemple à plusieurs personnes qui s'estudient à la Magie, d'autres si tost qu'ils ont perdu quelque chose s'en vont au deuin, & forciers, & ne considerent pas qu'allant vers eux, ils vont vers le Diable, & quittent leur Dieu & Createur pour suiure l'ennemy & le prince des tenebres.

Mais qu'en vint il à la fin? vne ruine miserable, comme il est arriué à ces pauures malheureux : car Dieu qui est ialoux de son honneur, & de sa gloire, ne permet pas que ces tours de Babel, qui ont esté edifiees par cet arrogant & superbe qui ne tasche qu'à obscurcir sa gloire, puissent durer long temps, & des aussi tost qu'il cōmence à s'ennuyer de ces crimes trop odieux, du premier mou-

uement qu'il remue sa main pour
 les accabler, tout cela s'en va en pou-
 dre, & n'en sort qu'une confusion
 miserable de ceux qui s'y sont arre-
 stez. Voire encore ce qui deuroit ef-
 frayer d'auantage leurs imaginatiōs,
 il fait d'ordinaire, que celuy qui les a
 fait broncher en ce filez par ses bel-
 les promesses, c'est celuy qui les prêt
 dedans, & leur fait endurer vne fin
 miserable: aussi est-ce le bourreau
 de la iustice de Dieu, qui ne se plaist
 qu'en la perte des ames, & qui roule
 toutes ses machines pour les abis-
 mer au gouffre de damnation, où il
 leur fait puis apres payer l'vsure des
 maux, & execrables parricides qu'ils
 ont attenté, & mis en execution sur
 leurs freres. C'est vne chose du tout
 estrange, de dire, que l'homme se
 laisse tellement auégler en soy mes-
 me, qu'il perde tout sentiment, & de

l'humanité, & de la religion, laschant ainsi la bride à ses passions, pour exécuter les desseins de Satã sur les creatures, & bouchant l'oreille aux inspirations du Ciel, qui luy font voir parmy les tenebres de son erreur, la deformité de ses pechez. Ils ne se soucient plus de salut, & logent toutes leurs esperances en morte paye en enfer, sans se soucier de rien, sinõ d'estre compagnons du diable, & ce luy qui peut faire quelque acte dõt l'abomination face dresser les cheveux, voire à ses compagnons, c'est celuy qui s'estime le plus gentil de la troupe, & qui merite plus de salaire, de façon qu'il n'y a meschanceté que ces maudits ne mettent en execution. D'où penserons nous que cela prouiène, sinon de ce qu'ils oublient entierement Dieu & son Paradis, pour se donner en holocau-

ste à la cruauté de l'enfer. Reconnoissons donc nostre Dieu, & craignons ses iugemens, puis qu'il permet ainsi que ceux qui s'oublient tresbuschent en des horreurs si estranges, & le priant de confondre ceste engeance peruerse retournons nous à luy par penitence, & le supplions qu'il luy plaise reueiller ceux qui sont enyurez de ces charmes, pour se remettre au droit chemin.

FIN.

